

مجموعه ابو الضحی

ما سوا شایسته شدن دل قطره به چالش
بر تو حکمت و عرفان ایله تنویر آتش

هر ماه عربی ابتدا سیله اون بشنده نشر اولنور فنون مجموعه سیدر

جزء ۴۱ [فی غرة ربيع الاول سنة ۱۳۰۲] نسخه سی ۳ فروش

ای برق شتاب آتشین دم [۱]

اولدم حر مگده کرچه خرم

یولسز کوررم شتایی، لطف ایت

ساعی دکلز آغر آغر کیت

یول نشوئه حسن وعشقی جامع

اقشامه قالیر ایسه که نه مانع

دلدار طو تیجه بر مقامی

صیجندن اولور لطیف شامی

یار ایستدیکم زمان قولده

وارسون تونل اولسون یولده

معلم ناجی

بوده بر شعر انفس دیگر!

ای طلبکار انفس اشعار!

ایله دقتله فوق وزیره نظر

شعر درهپ او کوردیک آتار

شعر درهپ او طویدینگ سسلر:

روح پرور، لطیف، حزن آور

یرده بر قز، ستماده براختر

هربری بر بدیعۀ دیگر!

§

کیجه مقرر، سما سحاب آلود
آنک التده نوردن دریا !

هپ مناظر خفی خفی مشهود
هپ سکون اوزره نور و آب وهوا
نور ایله امتزاج ایدوب ظما
حاکم اولمش موافقه سودا !
بوده برشعر الطف دیگر !

§

وسطنده اولجه نورك،
بروافاق صندال، آندهده ایکی جان
زن ده ظاهر ملاحتی حورك،
عصمت عشق عاشقنده عیان
ماسوا روح، روح پرریحان !
سس یوق آنجق صدای بوس دهان !
بوده برشعر انفس دیگر !

§

زیب کرسی برآفت بی تاب
سرنازی ید یمینند،
صول النده یسه برکشاده کتاب
عشق مخفی دل غمیننده
اوقونور صفحه جیننده
کورینور نظره حزیننده
بوده برشعر دلبر دیگر !

§

اوینادوب حس عاشقانه سنی
 قوالک صوتی عکس ایدن کپسار ،
 دیگله یوب قوشلرک ترانه سنی
 که دره متصل ایدر تکرار ،
 چکیلوب اورمانه اولور ناچار
 قز چوبان گیرلی گیرلی گریه نثار
 بوده برشعر نازک دیگر !

§

الوب آغوشه کنج برمادر
 امزیررکن یتیمی مثلا
 ایلدکجه ملک تبسمار
 آقیدر مادری سرشک صفا
 رقت افزای ساکنان سما
 بوده برشقه لوحه علیا
 بوده برشعر بهتر دیگر !

§

جای تنهاده برحقیر مزار
 برقادین له یاننده برمعصوم
 قادین آغلار - صبی گولر اوینار
 آغلایان زوجه در گولن مخدوم
 نوتاھلدی غالبا مرحوم .
 زاغلر نوحه گرھوا مغوم !
 بوده برشعر محزن دیگر !

§

دوشر اورمانده زخناك اهو
 باقیشر زار زار بچه لری
 ماتمه حصه دار اولوب تیو
 طولدیرر ناله سیله زیر و بری
 نوحه ایلر نغمه کبک دری
 یاد ایدرلر مظلالم بشری
 بوده برشعر مبکی دیگر !

§

مختضر نورسیده برشاعر
 بیك گوزل سوز بولوب خیالنده
 یازمه من نه نقطه ده دکل قادر !
 نه حزیندر آنک بوحالنده
 او باقش چشم ذی مآلنده !
 او گولش روی انفعالنده !
 بوده برشعر فانی دیگر !

§

بور اهنکامی بحر اولور جوشان
 بگزور امواج اوقارلی کهساره
 - که زلازلله دائما جنبان -
 ییقلوب طوغریلور دکر باره
 سرتسر برجسیم فواره
 که صاچار متصل گهر باره
 بوده برشعر احسن دیگر !

§

ناکهان سیم سیاه اولور افلاک
 حیرتندن دوشر سکونه جهان !
 برقه رله سحابه لر صدچاک
 کره آواز رعد ایله لزران !
 آرقه سندن عظیم برطوفان ،
 مضطرب خلق ، ناله گر صبیان !
 بوده برشعر مدهش دیگر !

§

عرض ایدر هر دقیقه لوح شفق
 صاری ، آل ، مائی ، پنبه ، بیعد رنگ !
 خنده ور مجزات رب فلق
 مرغزاری قیلار بلند آهنگ !
 هر بلوط بر نمونه ارتنگ !
 بو تماشاده بشقه برفرهنگ !
 بوده برشعر علوی دیگر !

محمود اکرم

فی ۱۸ تشرین ثانی سنه ۱۳۰۰

مجالس رهبانیه

[مابعد عن جزؤ ۴۰]

ایمپراطور بو یاپاسلرک مباحثاتی لزومی قدر صبر و تحمل ایله دیگه مش
 اولدینی حالدہ اعضای مجتمعه نك هربری بر فکره ذاهب متعدد فرقه لره
 انقسام ایتدیکنی کورمکه فوق العاده متحیر اولمشدر .
 نصارادن اولان بر عرب مؤرخ بو مجلس حقنده یازمش اولدینی